

Asisko gutuna

2014ko Azaroa. 1. printzipioa.

Egunero bilatzea Jainkoarekin harreman pertsonala

73. zenbakia

Asis Sarea eguneroko bizimoduan espiritualtasun frantziskotarra ezagutu edo partekatu nahi duten lagunen sare sozial irekia da.

Egunero Jainkoarekin harreman pertsonala bilatzeak egunero bere presentzian jartzera garamatza, eta bizitza bere presentziaz oharturik bizitzera. Eta horrexek berak garamatza bizitza ez kontrolatzera, konfiantzaz bizitzera, eta bere gidaritzan sinestera. Baina baita, horretxegatik juxtu, oso serioски galdekatzera zer egiten ari garen gure bizitzarekin.

Gogoetarako gaia

Norantz jo

Bizitzan ez daukagu beti argi norantz goazen. Jaiotzen gara halako familia batean, hartzen ditugu bertan txera, heziketa eta bizitzan aurrera eginez joateko jokabide batzuk, gure guraso eta maisuek, bidelagun ditugun bitartean, eman diezazkiguten onenak.

Gure urratsak nora joango diren argi dagoela badirudi ere, halako aldi eta egoera batzuetan norberak planteatu behar du norantz jo. Berorietan ezinbestekoa da bizitza osoa konfiguratu ditzaketen erabakiak hartzea: erlijioso sartu, ezkondu ala ez ezkondu,... honelako edo bestelako lanbideari ekin, hemen edo han bizi....

Etortzen da, halaber, aldi bat non dena organizatuta dagoela eta dena "gurpil gainean" doala dirudien, baina barru-barruan badakigu galdezka hasi behar dugula, bizitzan nora goazen, bidea norantz orientatuko dugun, galdezka. Egon gaitezke hain egoki kokatuta egotera etorriak, non galduz goazen geure bizitzaren zerumuga.

Agian etorri da garaia bizitzeko modu batzuk birplanteatzeko, aldatzeko, geure bizitzari zentzu berri bat emateko, zeren eta orain arteko planteamenduak, zaharkitua geratu delako, ez baitu jada balio, ez du ilusioz eta itxaropenez betetzen.

Lehenari begiratzuz eta hura onartu eta neure eginez, etorri zait aldia gerora begiratzeko, eta neurekin eta neure bizitzarekin zer egin nahi dudan pentsatzeko.

Jainkoari Jesusen bidez begiratzen badiogu, aurkitu ahal izango dugu norantz zuzendu geure urratsak, beharrezko den zentzua emateko iragan dugun bizitzan gertatu denari, zelaialdian, mendirako igoera zailtan eta jaitziera pikuetan ibiltzean, berorietan maiz desilusio, dezepzio eta oztopoen kolpeak hartuko genituelarik; baina bidean jarraitzen dugu bizitzaren azkena arte, harantz baikoaz denok Jainkoaren Bizi betean berpiztuak izango garen itxaropenez.

Bibliako pasartea: Flp 3, 7-9.12-14

Baina baliotsutat nituen gauza guztiok, baliogabetzat jo nituen Kristorengatik... Kristorengatik dena galdu dut eta dena zaborraren pareko jotzen dut, hura irabaztearren eta harekin bat eginik bizitzearren... Ez dut esan nahi hori lortu dudarik edota helmugara heldu naizenik; baina lehia bizian ari naiz ea eskuratzen dudan, Kristo Jesusek ni neu beretzat eskuratu ninduenez gero. Senideok, ez dut uste dagoeneko hori iritsia dudarik; baina, atzean gelditu denaz ahazturik, aurrera jotzen dut eta helbururantz lehiatzen naiz saria iristeko; horretara deitzen baitit Jainkoak goitik Kristo Jesusen bitartez.

Frantziskotar espiritualtasuna

Gau batez, ohean lo zegoela, ezezagun bat agertu eta bere izenez deitu zion, eta jauregi eder batera eraman. Jauregiak ezin esan ahalako edertasun argitsua zeukan eta zaldunen armez guztiz hornitua zegoen ... Frantziskok galdetu zuen norenak ziren arma distiratsu haiek eta jauregi zoragarri hura. Gidariak erantzun zion: «Arma horiek denak eta jauregia bera zeureak eta zeure zaldunenak dituzu»... Frantziskok printze handi bat izatera helduko zen seinaleztat hartu zuen ametsa... Beraz, jantzirik ederrenak eginarazi eta Pugliako lurraldera joateko prestatu zen, ... zaldun izendatua izateko itxaropenez. Esperantza horrekin inoiz baino alaiago agertzen zen... Bere poz berriaz galdetzen ziotenei, haxe erantzuten zien: «Badakit printze handia izango naitzela».

Gaua egin zenean, lotara erretiratu zen. Erdi lotan zegoela, nora joan nahi zuen galdetzen zion ahots bat entzun zuen. Hark bere asmo guztiak zehatz-mehatz agertu zizkion. Orduan, ahotsak esan zion: «Nork egin diezazuke on gehiago, nagusiak ala morroiak?» «Nagusiak» erantzun zion. Eta ahotsak: «Zergatik, bada, morroia aukeratu nagusia utziz, eta menpekora printzea utziz?» Frantziskok, orduan: «Jauna, zer nahi duzu nik egitea?» «Itzul zaitez zeure jaioterrira - erantzun zion ahotsak- eta bete Jaunak agertuko dizuna».

Otoitza

Nahiz eta bideak zulo eta harrizarrak eduki
eta mila bihurgune,
muino eta haranetatik banoa ere
eta aldapak maizkoak izan,
nahiz eta bidea estua eta belar gabea izan
eta batzuetan hautsez eta
besteetan lokatzez betea egon,
bertan aurrera noa zure urratsak jarraituz,
utopiak amestuz,

itzalak bilatuz,
helmugak irrikatuz,
esperientzia gozatuz.
Eta zu, aurretik joanez,
agertzen eta eskaintzen zatzaizkit egunero
bide, egia eta bizi niretzat izanez.

Florentino Ulibarri

2015ko azaroko eguneroko Ebanjelioa

Egunero Ebanjelioa irakurri nahi duten lagunek, egun bakoitzari dagozkion irakurgaien arabera, hemen dauzkate azaroko erreferentzia guztiak:

1 Mt 5, 1-12	7 Lc 16,9-15	13 Lc 17,26-37	19 Lc 19, 41-44	25 Lc 21, 12-19
2 Jn 11,17-27	8.Mc 12,38-44	14 Lc 18, 1-8	20 Lc 19, 45-48	26 Lc 21, 20-28
3 Lc 14, 15-24	9 Jn 2, 13-22	15 Mc 13,24-32	21 Lc 20, 27-40	27 Lc 21, 29-33
4 Lc 14, 25-33	10 Lc 17, 7-10	16 Lc 18, 35-43	22Jn 18, 33b-37	28 Lc 21,34-36
5 Lc 15, 1-10	11 Lc 17, 11-19	17 Lc 19, 1-10	23 Lc 21, 1-4	29 Lc 21, 25-28.34-36
6 Lc 16, 1-8	12 Lc 17, 20-25	18 Lc 19, 11-28	24 Lc 21, 5-11	30 Mt 4, 18-22

Azaroko Otoitza hilaren 26an izango da.

Geure web gunea bisitatu

www.asissarea.org




Asis Sarea

646 21 48 96